

# Улан туган өггө бэрнэв

Би багъ настагъасн авн эцкән дахад, хөбнә ард йовдж, хө асрлгъна дамшлтиг сәәнәр дасдж авлав. 14 джилин эргцд олна кесг мингъгн хө хәләдж асрад, мах, ноос икәр гаргъдж Төрски орн-нутгтан өгвв.

Нәнд түрүн джилмүдт хө хәрүлдж асрлгън күчр болдг билә. Болв эврәнн дурн-селклән өгч дакад зоотехническ заавриг гүүнәр меддж дасдж авсн хөбн, көдлмш нанд күнд болсн уга.

Хәләдж йовх хөбдән идгин сәәнәрн хәрүлдж, цевр сән усар тегкдж, таргън-цадхлн хадгәлдж йовсна ашл хөбнә тәл болн ноос киргәдж авлгъна зурагъан джил болгън давулдж күцәнәв.

Хөбдән сәәнәр идүлдж, ноосинь цевр-цер бәрдж йовхин кергт джилин туршарт газрин идгиг зогсл уга соләд йовнав. Хөд услх хойр худг бәәнә, негн хөд үвлздг бәәрнәс хол биш, хойрдгч худгасн хаврин болн зунин цагт хөбдән услнав. Хаврин цагт хөбдән цандгин усар услхшв. Тиим бузр усар хөбдиг услхла, гемтхн чигн магъд уга.

1957 джил зун нәәдир хөн болгънас (хургъдас авгдсн хурсх тоолхла) 123 хургъ авв. Ноос болн хургъд авлгъна зураг давулдж күцәсндән совхозин дирекцәс 8 мингъгн арслн мөнгәр мөрәлгдв. Көдлмштән сән күцлтә болсн учрар би дөрвдакдж селәнә эдл-

ахун Цугсоюзин гәәхүлд орлцвв. Тегәд мини кесн, күцәсн көдлмшим шуудж хәләгәд, селәнә эдл-ахун Цугсоюзин гәәхүлин ах комитет намаг бичкн алтн медаләр, күрл мөнгн медаләр, „Родина“ гидг радиоприемникәр ачлла.

Өдгә цагт би эврәнн гербүлтәгъән нидн джилә тәлг хөд асрдж йовнав. Тәлгүдин чинән сән. Увл ирснәс авн ода күртл хөбдтән нег чигн килограмм өвс өгәд угав. Хөд үвлин туршарт газрин идгт бәәнә. Хагсу өвс идснд орхн газрин идгин өвсиг хөд сәәнәр таасдж иднә.

Нидн джил гарсн 847 хургъд би даадж авлав. Ода минн отарт гәру уга. Эврәнн дурн-селклән өгәд, отаран таргън-цадхлн бәрдж, хөбдәсн ноос болн хургъд икәр гаргъдж авсндм, дамдждж өгддг Улан туг мини бригадт тавн джилин туршарт йова. Эн Улан тугиг талдан күүнд эс өгхин тәлә шунмгъа кевәр ноолддж йовнав.

Хөбнд көдлә йовдж гурвн джилә зоотехническ курс дуусвв. Эврәнн медрлән сәәнәр өбдлүлсн учр деерәс хәләдж йовх хөбдән улм сәәнәр асрдж, оln хөбчнр дунд үзмджтә хөбч болхв гидж санджанав.

УРЗАЛИЕВ Д.

„Полынный“ совхозин  
3-ч фермин ах хөбч.